


ORANJESTAD(AAN)--- Aruba a pasa den un fin di siman festivo, cu e unico toke negativo, e candela cu a destrui edificio di Carex diasabra madrugá. Diasabra anochi tabata tin e manifestacion cultural relaciona cu Dia di Himno y Bandera, diadomingo e acto protocolario cu desfile di organizacionnan y movimentonan hubenil y otronan, mientras cu den tur bario tabata tin weganan popular, manera riba tereno Deto Varis, unda familianan a bini hunto pa mira e muchanan diverti durante dia,. Di tur esakinan por lesa den e edicion aki y mira tambe potretnan di e fin di siman festivo.



Bomberonan a scapa un desastre...

Carex Paper na Eagle ta kima completo Diasabra marduga




ORANJESTAD(AAN):Tur unidad bomberil a sali cu maximo urgencia pa yuda nan coleganan cu a yega diasabra marduga na Carex Paper. E motibo tabata cu na momento cu e prome unidad bomberil a yega na e lugar nan a bin haya full e lugar na candela y no a keda nada otro pa pidi refuerzo. Polis a sera e lugar tur rond eybanda pa bomberonan por a haci nan trabao. Con e candela a cuminsa ainda ta ser investiga, pero casi tur dia ta mira chollernan patras di e lugar

aki ta busca cos cu ta ser benta afor of mira si tin container habri. Pesey mes lo mester cuminsa mira den direccion di e chollernan aki pa asina haya sa si aki ta trata di cualkier candela ocasiona pa e chollernan. Bomberonan di tur skina na Aruba a sali bin lagando nan post atras y esaki a yuda tambe mirando cu nan a evita cu Tao Toys y deposito di Playa Liquor a pega candela. E hefenan bomberil tambe a yega mesora na e lugar pa asina reforza e coleganan presente.

Esnan encarga cu Carex Paper tambe a yega na e lugar y a logra saca algun cos for di oficina cual candela no a logra destrui asina hopi. DIARIO su reporteronan tabata mesora na e lugar y a cuminsa saca foto prome cu e bomberonan a yega.

E fotonan mes ta papia di e grandura di e candela. E lugar ta segura y na e lugar por a mira e inspector di seguro ta cana hunto cu esnan cu ta mancha Carex Paper. Recherche tambe tabata na e lugar y a cuminsa cu un investigacion mientras cu den dia a bolbe hunto cu cuerpo tecnico di polis pa



asina por a haci un investigacion completo. Diadomingo mainta, atrobe huma a bolbe sali di e

ruinanan, y Bombero a haya nan ta acudi un biaha mas na e lugar pa asina paga esaki atrobe.

E candela Diasabra marduga na Carex Paper

